



KENYATAAN MEDIA MENTERI SAINS, TEKNOLOGI DAN INOVASI MERANGKAP PENGERUSI BERSAMA CITF

PUTRAJAYA, 8 September 2021- Pada pagi ini, saya dan Menteri Kesihatan, YB Khairy Jamaluddin telah bersama-sama mempengerusikan Mesyuarat COVID-19 Immunisation Taskforce (CITF).

Untuk makluman, sehingga 7 September 2021, jumlah peratusan populasi dewasa yang lengkap divaksinasi di Malaysia ketika ini adalah 69.6%.

Sasaran Program Imunisasi COVID-19 Kebangsaan (PICK) adalah untuk mencapai 80 peratus populasi dewasa yang lengkap divaksinasi di seluruh negara dan bagi setiap negeri, sekurang-kurangnya 60 peratus populasi dewasa yang lengkap divaksinasi menjelang hujung bulan September 2021. Kini, negara kita berada di landasan yang betul dan vaksinasi kita telah mencapai kadar yang membanggakan.

Selain itu, saya juga menyedari baru-baru ini, banyak pertanyaan kenapa kadar vaksinasi kita menurun. Ini sebenarnya adalah petanda yang baik yang mana menunjukkan lebih banyak rakyat kini telah divaksinasi. Sehubungan itu, kita menjangkakan akan ada penurunan dalam kadar vaksinasi dalam minggu-minggu yang akan datang.

Mengambil kira faktor bahawa kadar penduduk Lembah Klang yang masih belum divaksinasi adalah amat kecil sekali yang disaksikan dengan kadar kehadiran yang rendah di PPV, program vaksinasi secara *walk-in* di Lembah Klang akan dihentikan selepas 15 September 2021. Ini bermakna bermula 16 September 2021, penduduk Lembah Klang yang masih belum divaksinasi boleh mendapatkan suntikan vaksinasi COVID-19 mereka di klinik kesihatan tertentu sahaja. Senarai klinik kesihatan ini akan diumumkan kelak.

Walau bagaimanapun, *walk-in* di negeri-negeri lain masih lagi akan diteruskan dan orang ramai dinasihatkan untuk mengikuti pengumuman yang dibuat oleh Jabatan Kesihatan Negeri masing-masing untuk maklumat terkini mengenai *walk-in* di negeri-negeri. Selain daripada *walk-in*, usaha untuk memastikan tiada yang tercicir dengan inisiatif *mop-up* juga diteruskan dengan kerjasama antara CITF dengan pelbagai NGOs untuk program outreach.

Selain itu, CITF juga menerima data vaksinasi bagi pelajar Institut Pengajian Tinggi (IPT) daripada Kementerian Pengajian Tinggi. Setakat 7 September, seramai 547,595 (53.2%) pelajar yang terdiri daripada IPT Awam (IPTA) dan IPT Swasta (IPTS) telah lengkap divaksinasi.

Berdasarkan semakan, sebanyak lebih 195,000 atau 37.5% pelajar IPTA dan lebih 51,000 atau 10.2% pelajar IPTS yang tidak mempunyai rekod pendaftaran sehingga setakat ini. Sehubungan itu, saya berharap agar usaha memberi kesedaran berhubung kepentingan vaksinasi dipertingkatkan.

**#KeluargaMalaysia
#BekerjaBersamaRakyat
#LindungDiriLindungSemua**

Dato' Sri Dr. Adham Baba
Menteri Sains, Teknologi dan Inovasi
merangkap Pengerusi Bersama CITF
8 September 2021

---TAMAT--